

## Kapitali 2. INNUTTAASUT PILLUGIT NAATSORSUUTIT

### Innuttaasut:

Kalaallit Nunaanni innuttaasut 2010-imi 2009-imut naleqqiullugit 258-inik amerleriaateqarsimapput. Taamaatorli erseqqissaatigineqassaat innuttaasut stationini, savaatilinni aammalu nalunaarutigineqarsimangitsut sumi innuttaanersut naatsorsorneqarsimangimmata 2009-imi. Inunngortartut toqusartunut naleqqiullugit ukiut kingullerni 400-ut missaanniittarput 2009-imi 403-iullutik (Sundhedsstyrelsen toqusut kisitsisaataasa amerlassusaat aallaavigalugit). Inunngortartut amerlassusaasa innuttaasullu amerlinerisa assigiinngissutaat inuusunnerusut Kalaallit Nunaata avataanut pingaartumik Danmarkimut ilinniariartortariaqartarnerannik patsiseqarsorinarpoq. Innuttaasulli ilaat allat pingaartumik soraarnerussutisiallit taakkuusinnaapput ineqar-nikkut aningaasatigullu pitsaaneruserumik atugassaqaarnertik pissutigalugu Danmarkimut nuuttartut.

Illoqarfinni innuttaasut amerliartornerat takuneqarsinnaavoq.

Utoqqaat 60-it sinnerlugit ukiullit amerliartorput 6.058-ullutik, agguaqatigiissillugit innuttaasut 10,73 %-ii. Utoqqaat inuusuttuninngarnit napparsimakulanerummata nappaatit ajorunnaarsinneqarsinnaanngitsut inu-nerlu tamaat attatiligassat amerliartornerat malunnarpoq.

Innuttaasut angutitaat amerlanerungaatsiarlutik 29.936-iupput arnat 26.516-iullutik, sulisoqarniarnikkut tikisi-tarpassuit taakkulu amerlanersaasa angutaasarnerat, tamatumunnga patsisaasunut pingaarneraalluni.

Ukiuoorutimik nalunaarusiami matumani innuttaasut sumiuunerat/suunerat tunngavigalugu immikkoortin-neqanngillat.

### Agguaqatigiissillugit ukiut inuuffiusartut:

Agguaqatigiissillugit ukiut inuuffiusartut arnani qaffakkiartorusaarput angutinili 2005-imiit 2009-mut 67,89-iniit, 2006-imiillu 2010-mut 67,75-inut appariartorlutik. Kalaallit Nunaanni angutini agguaqatigiissillugit ukiut inuuf-fiusartut Qallunaat Nunaannut sanilliullugit ukiunik qulaaluanik appasinnerupput arnanilu ukiunik arfineq pi-ngasunik appasinnerullutik. Kalaallit Nunaanni angutini agguaqatigiissillugit ukiut inuuffiusartut Qallunaat Nunaanni 1946-miit 50-imut arnanilu 1951-imiit 55-imut agguaqatigiissillugit ukiut inuuffiusarsimasunut as-sersuunneqarsinnaapput.

Inuiaqatigiinni pissutsit nappaateqalersitsisarnerannut immikkut ilisimasat tunngavigalugit, inuiaqatigiit ukiut kingullit 20-it ingerlaneranni annertuumik atugarissaaleraluartut, ukiunik inuuffigissanik sivitsuinissaq ajor-nakusoorinneqarsimasoq naliliivigineqarpoq. Tamatumunnga patsisaasut arlaqartut ilagaat ajunaarnerit toqumik kinguneqartut amerlaqisut, inuusuttut akornanni amerlasuut imminortarnerat, inooriaatsimik tunnga-veqartumik toqussuteqartartut amerliartornerat kiisalu peqqinnissaqarfiup aaqquussaanerata ajornartorsi-utitaqarnera.

Takussutissiaq 1	2010-imi Kalaallit Nunaanni innuttaasut suaassusiinut ukiunullu Agguaqasigiissillugit		
	Innuttaasut tamakkerlugit		
Ukiut/suaassuseq	♂	♀	♂ + ♀
00 – 04	2.127	2.001	4.128
05 – 09	2.114	2.053	4.167
10 – 14	2.293	2.239	4.532
15 – 19	2.311	2.306	4.617
20 – 24	2.239	2.159	4.398
25 – 29	2.064	1.862	3.926
30 – 34	1.789	1.588	3.377
35 – 39	1.897	1.496	3.393
40 – 44	2.871	2.448	5.319
45 – 49	2.817	2.450	5.267
50 – 54	2.388	1.788	4.176
55 – 59	1.778	1.319	3.097
60 – 64	1.335	873	2.208
65 – 69	983	797	1.780
70 – 74	502	491	993
75 – 79	286	370	656
80 – 84	113	200	313
85 – 89	26	53	79
90+	3	23	26
Katillugit	29.936	26.516	56.452


Takussutissiaq 2	Kalaallit Nunaanni innuttaasut illoqarfinnut, nunaqarfinnut stationinullu ilaalu ilanngullugit agguaqatigiissillugit							
1. Januar	1970	1980	1990	2000	2007	2008	2009	2010
Illoqarfinni	33.640	37.954	44.357	45.714	47.000	47.127	47.113	47.434
Nunaqarfinni	11.617	9.965	9.818	9.512	9.271	9.194	9.081	8.477
Stationini*/Savaateqarfinni/nalunaarutigineqanngitsut	1.074	1.854	1.383	898	377	141	Nalunaarutigineqanngilaq	541
Katillugit	46.331	49.773	55.558	56.124	56.648	56.462	56.194	56.452

\* Kommunit avataanni najugallit ilanngullugit.

Takussutissiaq 3	Kalaallit Nunaanni agguaqatigiissillugu inuusarnerup sivisussusia				
Ukioq/Suiaassuseq	2002 – 2006	2003 - 2007	2004 – 2008	2005 – 2009	2006 - 2010
♂	66,08	66,66	67,09	67,89	67,75
♀	71,67	71,92	72,07	72,18	72,80

Takussutissiaq 4	Inuusarnerup sivisussusia Nunanit avannarlernit naleqqiullugu							
Nuna/Ukioq/Suiaassuseq	Danmarki	Savalimmiut	Finlandi	Ålandi	Islandi	Norge	Sverige	Kalaallit Nunaat
	2008 – 09	2005 – 09	2009	2005 – 09	2009	2009	2009	2006 – 10
♂	76,4	76,9	76,5	79,7	79,7	78,6	79,4	67,75
♀	80,8	82,5	83,1	83,1	83,3	83,1	83,4	72,80

## 2010-imi Kalaallit Nunaanni inui suaiaassutsinut ukiuinullu agguataarlugit



### Titartagaq 1